

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**02. Allaffeqarfimmiit oqaasiinnartigut paasissutissiissutit**

**Imm. 2.1 Allaffeqarfimmiit oqaasiinnartigut paasissutissiissutit**

**03. Aningaasaqarnermut tunngasut**

**Imm. 3.1 Qeqqata Kommuniani ulloq unnuarlu paaqqinniffiliornissamut killiffik, Qeqqata Kommuniani Ulloq unnuarlu paaqqinniffimmut aningaasat Sisimiuni aamma Maniitsumi meeqqanut ulloq unnuarlu najugaqarnermut akigititanut nuutsinissamik qinnuteqaat.**

**Imm. 3.2 2023-mut siusinnaartumik pensionisialinnut ilassutitut aningaasaliissutininik qinnuteqaat, Maniitsoq.**

**04. Suliassat naliginnaasut**

**Soqanngilaq.**

**05. Sulisoqarnermut tunngasut**

**Soqanngilaq.**

**06. Paasissutissiissutit**

**Soqanngilaq.**

**08. Tamalaat**

**Imm. 8.1 Tamalaat**

Ataatsimiinneq aallartippoq nal. 13:08

*Peqataasut:*

***Inuit Ataqtigiit***

Juliane Enoksen, Siulittaasoq, Sisimiut  
Agathe Fontain, Nuumiit oqarasuaatikkut peqataavoq.

***Siumut***

Kirstine Olsen, Siulittaasup tullia, Sisimiut, oqarasuaatikkut peqataavoq.  
Barnabas Larsen, Kangaamiut, oqarasuaatikkut peqataavoq.

***Naleraq***

Paneeraq Olsen, Sisimiut

*Nalunaaruteqarlutik peqataannngitsut:*

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarput.

**02. Allaffeqarfimmiit oqaasiinnartigut paasissutissiissutit**

**Imm. 2.1 Allaffeqarfimmiit oqaasiinnartigut paasissutissiissutit**

Sulilersussat nutaat

Maniitsumukarnissamut pilersaarutit

### **03. Aningaasaqarnermut tunngasut**

#### **Imm. 3.1 Qeqqata Kommuniani ulloq unnuarlu paaqqinniffiliornissamut killiffik, Qeqqata Kommuniani Ulloq unnuarlu paaqqinniffimmut aningaasat Sisimiuni aamma Maniitsumi meeqqanut ulloq unnuarlu najugaqarnermut akigititanut nuutsinissamik qinnuteqaat.**

*Journalnr. 06.02.04*

#### Tunuliaqutaq

2023-mut missingersuutit kommunalbestyrelsimit akuersissutigineqartunut atatillugu, 2023-mi Sisimiuni ulloq unnuarlu paaqqinniffimmut ingerlatsinermit aningaasat 4.580.000 kr.- 2024-mut 8,478.250 - 2025-mut 7.203.250 Kr. ukiunilu missiliteqarfiusunut 7.203.250 koruunit immikkoortinneqarput.

Ulloq unnuarlu paaqqinniffiliornissamut akuersissummik Isumaginninnermut aqutsisoqarfinnut qinnuteqartoqarnikuuvoq, tassani meeqqanut ulloq unnuarlu paaqqinniffiliornissap akuersissutigineqarnissaanut qinnuteqaat immersorsimasoq nassiunneqarluni. Atuisussat ilaatigut ima nassuiaassutigineqarput;

- Meeqqat qatannutigii angajoqqaaverunnikut arlallit Sisimiuniit aamma Maniitsumiit Paaqqinniffinnut namminersortunik ingerlanneqartunut inissinneqarnikuupput, kiisalu ilaqutariinnik paarsisartunik amigaateqarneq peqquutigalugu meeqqat mikisut arlallit ulloq unnuarlu paaqqinniffinnut inissinneqarsimallutik. Meeqqat pineqartut tassaapput annaasaqarneq peqquutigalugu piffiit ilaanni attaveqarniarnermik ajornartorsiuteqarajussinnaasut, tamatigulli meeqqat meeqqat angerlarsimaffiani inissaqarsinnaasuullutik. Meeqqat misiginerlussimasatik pillugit katsorsarneqarnissamik pisariaqartitsisinnaassapput, meeqqalli angerlarsimaffianni aalajangersimasumik sinaakkutilinni inissaqartinneqarsinnaassasut, meeqqat nalinginnaassumik pissuseqartunut aamma meeqqat innarluuteqanngitsunut neqeroorutaasartut assinginiq pissarsisinaanissaat naatsorsuutigineqarpoq.
- Meeqqat nammineq avatangiisiminni qanitamiiginnarnissaat taamaalillutillu ilaqutarivisaminnut, aataakkut/aanaakkut, angakkunnut akkakkunnut illoqqanullu attaveqaannarnissaminut periarfissaqassallutik, taamaalillutillu ilaqutarisaminnut allanut, atuaqatinut sunngiffimmilu peqatigisartakkanut attaveqaannarsinnaasassallutik.
- Imaappoq, meeqqat toqqissisimaffigisaminniiginnarsinnaassapput aammalu ilaqtaminnut atassuteqaatiminnullu qanigisanut allanut atassuteqarlutik peroriartussallutik. Paaqqinniffimmit atassuteqaateqarnermut perorsaariaatsip aallaavigineqarnissaa pilersaarutaavoq, paaqqinniffiup qaammatini juuni- juuli aggustimilu kangerlummumut "nuunnissaa" asiarnertut illuaqqamiinneq tupperluniluunniit eqqarsaataalluni.
- Paaqqinniffimmi meeqqat qatannutigiiillutik takuneqarlutik, tusaaneqarlutik aamma ilaqutariittut ittumi angerlarsimaffippalaarluni ataatsimoorfiusumi misigisimatillugit toqqissisimanartumik angerlarsimaffippalaartumillu isumassuisunik avatangiisinik pilersitsiffiginissaat siunertaavoq. Pingaaruteqarpoq meeqqat angajoqqaaverussimasut ataatsimut najugaqatigiinnissaat, meeqqat annaasaqareernerup kingorna qaavatigut oqimaatsorsortinneqannginnissaat pingaaruteqarpoq, immaqalu angerlarsimaffimmini atugarlioreersimallutik, taamaalillutillu perorsaanikkut tarnikkullu katsorsarneqarnissaq immikkut pisariaqartitsillutik.

- Meeqqat atassuteqarfigisaminnut ataatsimoorfigisaminnullu, soorlu atuariatornissamut, sammisassanut ikinnguteqrnissamullu pitsaasumik ineriartorluarnissaat pingaaruteqarpoq. Nammineersinnaaneq ilinniassavaat namminerlu inuunerminnut akisussaassuseqarnermik aammalu siunissamut sinnattoqarnissaq ilinniassallugu.

#### Maleruagassatigut tunngavigisag

Isumaginnittoqarfiup aqunneqarnera aqqissuussaanelu pillugit Inatsisartut peqqussutaat nr 11, 12. novembari 2001-imeersoq

Meeqqat tapersorsorneqarnissaannut Inatsisartut inatsisaat nr. 20, 26. juni 2017-meersoq

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 1, 25. januaari 2019-imeersoq

#### Pissutsit atuuttut

Ulloq unnuarlu paaqqinniffik 2023-mi juulip aallaqqaataani aallartisarneqarsinnaasimangilaq, ilaatigut Namminersorlutik Oqartussanit ulloq unnuarlu paaqqinniffiliornissamut akuersissuteqartoqassappat sivikinnerpaamik ukioq ataaseq suliarineqaaqaarnissaa ilaatigut oqariartuutigineqarluni, tamassuma saniatigut Makkorsip aqq. B 904 (etape 1) siusinnerpaamik 2024-mi januaarip aallaqqaataanut, aamma etape 2 2024-ip aasaanut allanngortinneqarsinnaanani. Paaqqinniffiup meeqqanut 9/10-nut inissaqarsinnaanissaa isumaagaluarpoq, kisiannili iluarsartuussinnermut-aamma ilassusiliinermut pilersaarusioreernermi immikkoortuni marlunni meeqqanut 11/12-nut inissaqartitsissaaq, tamannalu siunissami ulloq unnuarlu paaqqinniffimmiititsinermut akigititaq eqqarsaatigalugu ammaarluni kommunimut sipaarniarfiusinnaassalluni.

#### Atuilluartuunissakkut kingunerisinnaasai

Qeqqata Kommunia namminerisamik ingerlataminik ulloq unnuarlu paaqqinniffeqalenera maannakkut MISI-ip – allaffeqarfiinik iluarsartuussillunilu ilassusiliinikkut atuilluartuunerussaaq. Meeqqanut inuusuttuaqqanullu ulloq unnuarlu paaqqinniffiliornissamut kommunalbestyelsi siusinnerusukkut 10 mio. koruuninik immikkoortitsinikuuvoq. Maannakkut sanaartornermut akit qaffasingaatsiarnerat pequtaalluni najugaqartussanut aqqaneq- marlunnut nutaamik ulloq unnuarlu paaqqinniffiliornissamut periarfissaanngilaq.

#### Aningaasaqarnikkut allaffissornikkullu kingunerisinnaasai

Ulloq unnuarlu paaqqinniffik aatsaat 2024-mi januarimi atulertussaammat, aningaasat ilaat Sisiminut aamma Maniitsumut akigititanut nuunneqassapput. Taamaattorli oktobarip aallaqqaataanut forstanderimik aamma decembarip aallaqqaataanut atofinititsinermi akissarsianut aningaasat pisariaqartinneqassapput, kiisalu etapi 1-mut pequtissanik pissarsinissamut aningaasartaqassalluni. Immikkoortut marluusuni inissanut amerlassutsit 8/9-niit inissanut 12-nut kommunalbestyrelsi allannguiniangippat 2024-mut missingersuusiasooq allanngortissaaq. 2023-mi sulisunik pikkorissaanissaq periarfissaanngilaq, taamaammallu 2026-mi pinissaanut aningaasaqarnissaq aamma qulakkeerreqassasoq inassutigineqarpoq.

**Atugarissaarnermut Ataatsimiititaliap juni-ip 5-ani 2023-imi ileqquusumik ataatsimiinnera  
06/2023 – *Imaqarniliaq***

Atuiffiup normua	Atuiffiup taagutaa	Aningaasa liissutit	Ilassutitut aningaasal iissutit / Nikisititse rineq	Nutaamik aningaasaliineq	Ukioq missinger suusiorfik 2024	Ukioq missinger suusiorfik 2025
551020150-050101516-122010102	Qaammammusiat kingumut	1.800.000	-1.560.000	240.000		
551020150-050101515-1220010200	Akunermusiat	750.000	-400.000	350.000		
551020150-050101516-122081700	Pequtit	600.000	0	600.000		
551020150-050101516-122060100	Pikkorissarneq sulisut	400.000	-400.000	0		
551020150-050101516-122080600	akissut	350.000	-345.000	5.000		
551020150-050101516-1221409000	Siunnersortit suliatigut ilisimasallit	150.000	-100.000	50.000		
551020150-050101516-122180300	kiassarneq	125.000	-90.000	35.000		
551020150-050101516-113110100	kaasarfimmiut	90.000	-90.000	0		
551020150-050101516-122010302	Sulineruneq qaammammusiallit	75.000	-75.000	0		
551020150-050101516-122081000	Perorsaanilerineq	75.000	-50.000	25.000		
551020150-050101516-122180100	Innaallagiaq	75.000	-65.000	10.000		
551020150-050101516-122010303	Sulineruneq akunermusiallit	50.000	-50.000	0		
551020150-050101516-122070300	Tjenesterejser	40.000	-30.000	10.000		
Katillugit			-3.255.000			
551020100-0501015170-122150400-010580	Ulloq unnuarlu paaqqinnittarfiit namminersortunut akiliutit Sisimiut		2.170.000			

**Atugarissaarnermut Ataatsimiititaliap juni-ip 5-ani 2023-imi ileqquusumik ataatsimiinnera  
06/2023 – *Imaqarniliaq***

552020100-05015120-122020100-010570	Maniitsumi Paarineqartussanng orlugit inissiinermut akiliut		1.085.000			
Katillugit			3.255.000			
Tamaasa katillugit			0			
Aningaasaliisut nutaag			0			

**Allaffeqarfiup naliliinera**

Allaffeqarfik ulloq unnuarlu paaqqinnittarfik 8/9-nik inissalik kommunalbestyrelsimit aalajangiunneqartoq inissinniarlugu suliaqarsimapput. Ulloq unnuarlu paaqqinniffiup 2023-mi juulip aallaqqaataani aallartinneqarsinaasimangilaq. Kisiannili ingerlatsivik teknikkimut sanaartormermullu immikkoortortaq peqatigalugu B-941 (maannakkut MISO) 2024 immikkoortut marlungorlugu meeqqanut aqqaneq marlunnut inissalinngorlugu allanngortiterinissamut ilassusiinissamillu suliaqarput.

Ulloq unnuarlu paaqqinniffimmut aningaasat immikkkoortinneqarsimasunik Sisimiunut Maniitsumullu akigititanut nuutitsinissaq qinnutigineqarpoq – ilutigalugu ukiup naalernerani paaqqinnittarfiup ammarnissaanut sulisunik piareersaasussanik atorfinittisinnaanermik qulakkeerinninnissaq.

Missiliutaareersuniit amerlanerusunik tigusinissamut inissaqarnerusussaammat, 2024-mut missingersuusiormermut tunngatillugu ingerlatsinermut aningaasat amerlanerusut, ilaatigut akiliutit iluini sipaarutaasinnaasut qulakkeertariaqarput.

**Innersuussut**

- Atugarissaarnermut immikkoortortap Atugarissaarnermut ataatsimiititaliamut innersuussutigaa;
- Paaqqinniffiup allartinnissaa 2024-mi januaarimut kinguartinneqarnera akuerineqassasoq
  - Sanaartornissamut pilersaarut ilangunneqartoq akuerineqassasoq
  - Oqaluuserisassatut saqqummiussap qulaani immersugaq malillugu aningaasanik nuutitsinissaq akuersissutigineqassasoq
  - Meeqqanut amerlassusissat 8/9-miit 12-nut amerlineqassasut tassungalu missingersuut iluarsineqassasoq
  - 2024-mut missingersuutinut tunngatillugu 2024 -mi ukiumut missingersuusiormiusumut ukiunullu missingersuusiormiusunut missingersuut iluarsisaq ingerlatsivimmiit saqqummiunneqassasoq.

**Aalajangiineq**

Akuersissutigineqarput.

**Bilag**

1. Byggeprogram

### **Imm. 3.2 2023-mut siusinnaartumik pensionisialinnut ilassutitut aningaasaliissutinik qinnuteqaat, Maniitsoq.**

*Journalnr: 06.02.01*

#### Tunuliaqutaq

Namminersorlutik Oqartussat tunngaviusumik siusinaartumik pensionisianut aningaasartuutitut, kaasarfimmiumut meeqqanullu tapinut utertitassanut 50 procentimik tapiissuteqartarput. Inatsisartut inatsisaat nr. 40 § 40 imm. 1 §44 naapertorlugu ataatsimoorussamik tapiissutit 01.07.2021-mi unitsinneqarnikuupput taamanilkkulli siusinaartumik pensionini aningaasartuutaasunit utertitassanik missingersuusiornissamut tunngavissaqarnikuunani.

#### Maleruagassatigut tunngavigisaq

Siusinaartumik pensionisiat pillugit Inatsisartut inatsisaat nr. 40, 9. december 2015-imeersaq § 40. Siusinaartumik pensionisianut, meeqqat tapiinut inuttullu tapinut aningaasartuutit kommuninit tamakkiisumik akilerneqartassapput, taamaattoq takuuk § 44.

§ 42. Inatsisartut inatsisaat 1. juli 2016 atuutilerpoq.

§44. Inatsisip atuutilerneranit ukiut tallimat ingerlanerini siusinaartumik pensionisianut meeqqanullu tapiissutinut aningaasartuutit affat nunatta kasianit affaalu kommunimit akilerneqartassapput.

akilerneqartassapput. § 29 naapertorlugu inummut tapinut aningaasartuutit kommunimit akilerneqassapput.

#### Pissutsit atuuttut

2022-mut ilassutitut aningaasaliissutinik qinnuteqaat ukiuni missingsersuusiortifiusut saqqummiussami eqitsit 4-mi kisitsisiliussat ilanngullugit qinnuteqaat 2022-mi apriliip sisamaanni Atugarissaarnermut ataatsimiititaliamit akuersissutigineqarpoq. Aningaasaqarnermut ataatsimiititaliamit suliaq immikkoortoq 3-tut ulloq 19. april 2022 suliarineqarpoq, atatasimiinnissap tullissaanut tunngavissanik amigaateqarneq pissutigalugu kinguartinneqarluni. Aningaasaqarnermut ataatsimiititaliamit 2022-mi juunp 14-ianni suliaq immikkoortoq 9-tut suliarineqarpoq, kommunimulli ataatsimoortumik tapiissutit naammaginartumik iluarsiivigineqarsimanginnerat pissutigalugu Namminersorlutik Oqartussanik uppersarsineqarsinnaangimmat oqaluuserisassanit peerneqarluni. Aningaasaqarnermut ataatsimiititaliamit suliaq saqqummiunneqartup, tunngavissiaaqaartoq kukkuneqarmat aningaasaqarnermut immikoortortamit allanngortinneqarluni immikkoortoq 6-itut ulloq 20. september 2022 suliarineqarpoq, eqitsimillu nutaamik 4-mik taarserlugu atilimmik "Amigartumik aningaasaliissut imatut qinnutigineqarput: Eqitsit nutaaq", taamaattoorli innersuussummi suli immikkoortoq 4-tut innersuussaalluni – Atugarissaarnermut ataatsimiititaliamit akuerineqartumik. Kingunerisaanik ilassutitut aningaasaliissutit kommunalbestyrelsimit 29. september 2022 immikkoortoq 4-tut akuersissutigineqarput. Tamatuma kingorna ukioq 2022-mut qaavatigut aningaasaliissutissaq ikineqarpoq (eqitsit 4 eqitsilluunniit nutaaq malillugu), taamaalillunilu Sisimiumut missingersuutinut kisitsit ukiunut missiliuteqarfiusunut iluarsiiisutaalluni kisiannili Maniitsumut missingersuutit kisitsisaanuungitsoq. Tamassuma kingunerivaa missingersuusiortifiusumut 2023-mut ukiunullu missiliuteqarfiusunut Maniitsumut utertitanit isertitassat -6.546.779 koruuniusut Namminersorlutik Oqartusanit peerneqarsimanginnerat.



**Atugarissaarnermut Ataatsimiititaliap juni-ip 5-ani 2023-imi ileqquusumik ataatsimiinnera  
06/2023 – *Imaqarniliaq***

Eqitsit 1

Immikkoo rtoq	Siunertaq	Art	Sumi	Allaaserinera	Aningaasalii ssutit	Ilassut/ Nuutsineq	Nutaamik aningaasali ineq
55203010 0	0502015403	112030200	010570	1.7.2016 kingorna siusinaartumik pensionisit, utertitat tamalaat	-6.546.779	6.546.779	0
Ilassutitut aningaasaliisoqarnissaa pillugu katillugit qinnuteqaatigineqarput					-6.546.779	6.546.779	0

Atuilluartuunissakkut kingunerisinnaasai

Siusinaartumik pensioninut ilassutitut aningaasaliissuteqartoqanngippat, siusinaartumik pensioninut atuivallaarneq 6.546.779 mio. koruuniussaaq, tassa Namminersorlutik Oqartussanit utertitsisarneq 2021-mi juulip aallaqqaataani unitsinneqarnikummat immikkoortumullu tassunga siunissamut ataatsimut tapiissutit qaffaavigineqarnikuullutik, taamaalilluni aningaasartuutitut qaffakkiartortunut ilaatigut ataatsimoortumik tapiissutitigut qaffariaammit aningaasalerneqarlutik.

Aningaasaqarnikkut allaffissornikkullu kingunerisinnaasai

Namminersorlutik Oqartussat utertitsisarnerat 2021-mi juulip aallaqqaataannit unitsinneqarnikummat siusinaartumik pensioninut ilassutitut aningaasaliissuteqartoqanngippat (isertitassatut aningaasaliissutinik peersineq = siusinnerusukku utertitassatut tigusartakkat), siusinaartumik pensioninut 6.546.779 mio. koruuninik atuivallaartoqassaaq. Siusinaartumik pensioninut tapiissutit qaffariaataat ataatsimut tapiissutitigut allattorluarlutik isertitassanngortinneqarneq ajorput, taamaallaat "ataatsimut tapiissutit" taamaattumik "isertitat" missingersuutini toqqaannartumik takuneqarsinnaanani. Ataatsimut tapiissutini ilanngunneqarnikuusooq siusinaartumik pensioninut tunngasuni aningaasaliissutit qaffariaataanni kisitsisini inaarutaasunik peqanngilagut.

Allaffeqarfiup naliliinera

Atugarissaarnermut Immikkoortortaqarfiup innersuussutigivaa, 2023-mi kiisalu ukiuni missiliuuteqarfiusuni 2024-2025-2026-milu siusinaartumik pensioninut ilassutitut aningaasaliissuteqartoqassaaq.

### **Innersuussut**

Maniitsumi Atugarissaarnermut immikkoortortap Atugarissaarnermut ataatsimiititaliamut innersuussutigaa

1. Ilassutitut aningaasaliissutissat 6.546.779 mio. koruunit akuersissutigineqassasut.
2. Assinganillu atuiffik 552030100-0502015403-112030200-010570 isertitat ("qulaani eqitsit 1-mi malillugu utertitassat assigiinngitsut) 2023-mut ukiunullu missiliuuteqarfiusunut peerneqassasoq.
3. Suliaq Aningaasaqarnermut Ataatsimiititaliamut Kommunalbestyrelsimullu inaarutaasumik akuerisassanngorlugu ingerlateqqinneqassasoq.

### **Aalajangiineq**

Akuersissutigineqarput suliarlu Aningaasaqarnermut Ataatsimiititaliamut Kommunalbestyrelsimullu inaarutaasumik akuerisassanngorlugu ingerlateqqinneqassaaq.

### **Ilanngussaq**

1. Atugarissaarnermut MAN ATUIFFIK 552030100 Siusinaartumik pensionit
2. 2022-mut Siusinaartumik pensioninut ilassutitut aningaasaliissutinik AA-mut qinnuteqaat Maniitsoq-Sisimiut
3. 2022-mut Siusinaartumik pensioninut ilassutitut aningaasaliissutinik KB-mut qinnuteqaat Maniitsoq-Sisimiut

**04. Suliassat nalinnaasut**

Soqanngilaq.

**05. Sulisoqarnermut tunngasut**

Soqanngilaq.

**06. Paasissutissiissutit**

Soqanngilaq.

## **08. Tamalaat**

### **Imm. 8.1 Tamalaat**

Paneeraq Olsen qinikkatut suleqatigiilluarsimanermut ilaasortanut qujassuteqarpoq.